

竹垞小志卷二

學使者阮元手訂 桐鄉汪嘉穀編錄

先生初定竹垞十二景復定市南二十景  
又定城南二十景則并鶴洲諸景俱收之  
矣市南首綴以梅花溪者見竹垞之在梅  
會里南也今列於二卷庶後之覽者得攷  
其次第云

梅花溪 距嘉興城南三十餘里里曰梅會市  
曰王店長水環其外硤石橫山及史諸阜  
峙其南有水東注潞洄三里曰梅溪

竹垞小志

卷二

一靜園叢書

嘉興府志梅溪在治南四十里溪旁村  
落多樹梅故名

先生鴛鴦湖擢歌溪上梅花舍後開市南新  
酒醖新醅尋山近有及基宅看雪遙登顧况  
臺自注余近移家長水之梅溪及山在其西  
橫山在其南皆可望見顧况讀書臺在橫  
山頂

楊雍建欲往梅溪不果詩梅溪還憶昔游  
時滿壁松風落酒卮三徑雲生苔石冷四  
花香送夕陽遲幾回夢繞禪宮月無奈空  
吟逆旅詩何日扁舟尋故侶重登小閣望

東籬

繆泳村居雜咏詩長水南塘路向西西溪  
東畔是梅溪乘舟慣出梅溪市曲岸藤花  
咫尺迷

朱絳市南雜咏梅花溪詩屋後寒梅發籬  
前春水生冷香縈客夢夜雨憶溪聲

朱昆田訂探牡丹花之約詩梅花溪上徑  
三三歸夢濃于酒半酣見說接花開亦好  
與君分種種江南

繡鴨灘

灘名見前梅溪之水自西而東陂塘

竹垞小志

卷二

二靜園叢書

曼衍凡有拏舟過訪竹垞者東必泊於繡  
鴨灘西必泊於抽帆步釣船坊諸處先生  
詩有云羅雀門閒地百弓抽帆且檣鴨闌  
東又云烏篷夜拄釣船坊皆紀實也故以  
次列於梅花溪之後

抽帆步

卽落帆步也見前

朱絳市南雜咏抽帆步詩落日送歸艇孤  
村生晚煙但看篷腳轉已到小門前

釣船坊

梅里志云在荷花池上

先生積雨詩烏篷夜拄釣船坊曉起水添三

尺強欲覓園花查上舍自注嗣稟但愁橫漲

板橋妨

芟池 一名竹港梅里志云在暴書亭東南先

生池上編籬詩有云槐泝芟池水一窟積

雨詩云芟池新水芋陂連芟池之名互見

乃十二景中有槐泝芋陂而無芟池可知

此二十景乃先生後來更定也

先生積雨詩沒盡荷花紫草田芟池新水芋

陂連畏寒不獨衰翁甚年少冬衣未拆絲

朱絳市南雜咏芟池詩小沼魚爭躍長林

竹垞小志

卷二

三靜園叢書

鳥自呼溟濛烟雨裏秋色滿菰蒲

楊謙梅溪百詠詩月波吹邃夜涼停槐泝

芟池一望青三體手編撫韻暇為人小楷

寫黃庭自注朱西峻有月波吹笛圖著三體撫韻善小楷

芋陂 見前陂之東有方池向名蓼灘

朱昆田自題月波吹笛圖詩夜色模糊水

面寬涼煙漠漠月團團一枝漁笛一枝櫓

半入蘆灘半蓼灘

青槐泝 卽槐泝也

潛采堂 在南垞之北荷花池上為先生藏書

之所康熙四十四年

聖祖特賜研經博物四字扁額堂之後爲敬悅齋先生燕飲兄弟賓客於此汪檢討舟次書其東爲娛老軒謝師昌書軒與春酒庫相接又東爲杏花春雨山房其西有醉茗齋與靜志居相並外有桂之樹軒又西則爲醜舫弟子著錄者於此今俱蕪廢惟敬悅齋尚存

李宣秋社日集潛采堂看桂分韻詩初花香未滿曉露滴無聲對此庭前桂相憐硯北生物情閒始見詩句病逾清知己良辰共秋風續舊盟

朱琪芋陂歸自邗江招同人集潛采堂詩吟社幾游集朋知亦可憐故人十載別舊夢草堂懸尊酒同今夕圖書憶往年羊曇辭後路每過一潛然

又集潛采堂和柘南作雅集頻年少招尋興未闌人看少長別事話去畱難病覺樽前減春憐雨後寒且拚今夜醉一盡主人歡

查慎行六峯閣詩藁序秀水朱子稼翁爲  
竹垞檢討之孫西峻文學之子少時稟承  
庭誥研味篇章凡祖父之客來登潛采堂  
者類皆當代名流稼翁周旋函文言論風  
規漸染有素故其爲詩磊砢多英寓懷蘊  
藉信能繼其家聲者矣

敬悅齋

附見

按先生集中有醜舫敬悅齋兩箴  
列於潛采堂之後而以箴附焉

先生敬悅齋箴同岑之木柯葉相樛同林之  
鳥鳴憂相求矧伊兄弟同居寢食當念爾

竹垞小志

卷二

五靜園叢書

祖敬悅是式人有毀譽誣善則那式敬吾  
長其樂如何有忿必懲有欲思窒務去驕  
矜毋易嘲叱一言快意四坐傷心睚眦之  
怨禍乃相尋動容斯和出辭勿悖敬以入  
懷悅以結愛昔在尼父行在孝經敬兄弟  
悅我言汝聆

桂之樹軒

軒在潛采堂西偏軒前桂叢一林

先生布以窠石可以坐客深秋後天香馥  
郁賞桂吟詩無虛日也

先生九日籬菊未放桂有餘花里中諸子過

出金華酒小飲分韻得小字詩叢桂落餘花  
雙瓶出清醪我客不速來毋論戶大小冷笑  
登高人牽拂風林杪

朱稻孫九日大父招集里中諸君飲桂樹  
下分賦得之字詩里無一簣山登高安所  
之良辰宜勝引少長況在茲酒邊黃金粟  
屢舞風颼颼

朱絳市南雜咏桂之樹軒詩老樹發古香  
涼蟾照素節一夜秋風來枝頭綴黃雪

梧葉榭 先生坐臥著書置繩牀於醜舫牕下

竹垞小志

卷二

六靜園叢書

屆秋梧桐葉脫堆積几上遂以名之

先生醜舫卽事詩秋老梧桐葉黃夜來風  
雨太顛狂分明了鳥牕深閉一片何緣墮筆  
牀

醜舫 析舫之西半楹爲梧葉榭其南爲蝴蝶  
局又西偏則北垞在焉

竹垞 南北兩垞詳見前卷

春酒庫 在潛采堂東娛老軒之後問字者載  
麴而至則貯之於此蓋醜舫之酒以酌賓  
客春酒庫之酒先生所謂將以娛吾老焉

者是也

先生題洪生對酒圖詩酒庫經坊六度開近  
無月奉市官酷荆高舊侶多零落賴爾南鄰  
日往來 逢着騷人笑獨醒玉山堅坐眼長  
青吾衰也擬糟丘老他日相邀注酒經

揚謙梅溪百咏詩漁溪好景咏溪南酒庫

書樓我未諳四月棗香香細細三冬聽雪

雪麇麇自注竹垞先生市南雜咏二十景  
中有春酒庫擁書樓棗香書屋煮  
茶聽雪之亭

先生名孫說詩言稽事多先稷黍然頌豐年

竹垞小志

卷二

七靜園叢書

者必及稌又釀者則以稻酒為上吳田之宜  
莫良乎稻取以名次孫也可幽詩云十月穫  
稻為此春酒吾將以娛吾老焉

娛老軒

附見

先生晚年著書恒在娛老軒暴書

亭著錄序所云蓋將以娛吾老焉軒近春

酒庫故名孫說云十月穫稻為此春酒吾

將以娛吾老焉先生之娛老止此其名雖

見於他處而在二十景之外今為補綴於

春酒庫之後則潛采堂東偏之景盡備云

擁書樓

先生池上編籬偶成詩有擁書萬卷

不言貧之句未聞建有樓也聞先生晚年  
欲構一樓於南湖放鶴洲之側亦不果  
蝴蝶局 在甌舫之南梧桐樹下先生以徐檢  
討所贈羅浮蝴蝶放之至今梅里半邏俱  
有羅浮遺種云

先生羅浮蝴蝶歌爾雅釋蟲名蝴蝶置不錄  
之蟲豈無知小大各有族小者撻末產江東  
大者乃在朱明曜真之天巖洞中當其物化  
初天與形不同蠻雲華首紫海日搏桑紅游  
禽五色詎敢啄啄滿身香霧花濛濛仙之人兮

竹垞小志

卷二

入靜園叢書

拍手笑愛爾翩翩特娟妙或云葛仙衣或云  
麻姑裙二者傳說徒紛紛入秋倦飛絲乍冒  
葉底風搖滿山繭垂虹亭長手拄卽粟條去  
年踰嶺尋鐵橋歸來雪灘纜卸馱分我蝶繭  
剛一箇畱之十旬鳳子生曲腰短足相搪撐  
豎雙眉張兩翅輕於吳綃薄於紙對神光之  
陸離駭賦質之倜詭我思此蝶放之四百三  
十二峯前餐英嚼蕊恣歡妍何難大似車輪  
然我今縱之出簾柙可惜不諳飼花法雲母  
扇丹霞衣嗟爾萬里安得歸文章枉使負奇

色不及灰黃粉墨野蛾高下東西飛

又近體四首攜來相葉綴莎蟲自注蝶蘭多

懸烏相葉底物候初温五月風自注蝶以五

月朔破蘭出么鳳忽然看倒挂仙蠶深恨不

同功粉香弄玉勻塗後裙色麻姑想像中離

合神光終莫定畫圖誰信小滕工自注蛺蝶

圖滕王嬰子湛然所畫藤笈初開且試飛

槩牙墻角見應稀輕狂忍把霜紈撲愛惜須

加繡幕圍萬里風花香入夢六朝金粉畫成

衣吳娘正要湘裙樣分付流黃第一機自注

竹垞小志

卷二

九靜園叢書

宋樂府有九張機自一至九

籬邊野外舞

春駒認得羅浮種獨殊眾裏自應呼鳳子生

來只解抱花鬚鉛華水淨分初日金縷衣輕

颺五銖比似吳人看西子未貪市上一錢輸

自注孟子疏西施至吳市觀者各輸錢一文

猶記歸裝嶺外齋炎天二月展金泥衰年

再見真難得異物初生也不齊偶落人間休

悵望但留花底莫東西寄聲為報垂虹長好

配新蛾與竝棲自注虹亭笥中尚存三繭

又書羅浮蝴蝶歌卷後爾雅不釋蝶名六朝

文士不作蝶賦蝶亦不幸矣其後滕王湛然  
下及菜花子村裏來皆爲調鉛殺粉臨川謝  
無逸咏蝶多至三百首蝶又未嘗無知己也  
崇正間長山王君岫生知如臯縣事酷愛蝶  
縣民有犯者籠蝶輸君輒免暇登廡舍高處  
放之惜其未見羅浮鳳子使知增城博羅二  
縣致羅浮蝶繭千百縱之萬花谷中不更愉  
快乎里中戴君索予父子書羅浮蝶歌漫綴  
於後

朱稻孫中村詩草序歲在著雍攝提格冬

竹垞小志

卷二

十靜園叢書

吳江徐先生虹亭歸自南粵扁舟訪先大  
父於小長蘆持贈羅浮蝴蝶繭一懸之帳  
中明年夏四月破蛹出蝶神光陸離五彩  
錯雜籠以白藤笈飼以黃葵花經旬放之  
栩栩庭院間先大父暨先君子賦長歌紀  
異因屬中村先生繪圖并詩以傳一時稱  
爲佳話

按康熙癸酉先生自廣州歸梁檢討吉  
士以羅浮蝴蝶繭二枚贈行未及攜歸  
一蝶先出篷底則未嘗入蝴蝶局可知

是以聯句三十韻不爲采錄至於同時  
和詩泛咏羅浮蝴蝶者槩不收入

六峯閣 已見前十二景矣先生次孫稼翁刊

其詩橐四卷亦以六峯閣名之

棗香書屋 此未見題咏先生在都下時與孫

愷似致彌周青士篔有棗花聯句云棗花  
香細細亂結春風闌既免纖手摘寧邀上  
客看燕郊得千樹吾將老園官或築於歸  
田之後未可知也

煮茶聽雪之亭 亭在南垞

竹垞小志

卷二

士靜園叢書

先生盆梅聯句調寄一翦梅詞定武瓷燒幾

稜紅細斛香泥淺植春叢

魏坤

衝寒載入小

車中三尺苔枝一翦霜風

彝尊

盡圻梭毛

裂紙筒影漸橫斜態轉玲瓏

坤

花邊鄉夢兩

人同放鶴洲南聽雪亭東

彝尊

靜志居 在潛采堂東桂之樹軒後馮衍顯志

賦云處清靜以養志兮實吾心之所樂齋

名本此暴書亭集有靜志居琴趣明詩綜

有靜志居詩話

黃雀曠 曠在長水之南先生於此二十景首

綴以梅花溪而附黃雀疇於後則兩坨居  
其中歷歷如繪云

先生鴛鴦湖擢歌秋水尋常沒釣磯秋林隨  
意敞柴扉八月田中黃雀啁九月田中黃雀  
肥

又黃雀調寄江城子詞江鄉風物客中論傍  
籬根啟柴門翦翦西風紅稻倚斜曛長記張  
羅秋九月南馬疇北陶村 充庖俊味我思  
存坐黃昏引清樽持比香橙蒸栗色難分凝  
想流匙真个滑全不數鴨餛飩

竹垞小志

卷二

三靜園叢書

按小丹丘客談云吾鄉稻熟時張羅以  
捕黃雀北則陶家莊南則馬家疇所產  
獨絕

又按馬疇產蟹亦佳西峻荅蘅圃詩云  
馬榼紫蟹壯可釣陶莊黃雀肥堪捕上  
鄉水田足收割準擬開筵落場圃仙郎  
吟屐何時歸好傍梅花溪上駐讀此數  
句覺市南風景如在目前已

竹垞小志卷二終